

Turizam

Bosna i Hercegovina je mala, ali izuzetno lijepa zemlja, sa raznovrsnim predjelima, kulturama i tradicijama i vrlo gostoljubivim ljudima. To je mjesto gdje se najdirektnije susreću i intenzivno prožimaju Istok i Zapad, različite kulture i četiri svjetske monoteističke religije. Zemlja gdje se na kratkoj udaljenosti može pronaći osmanska džamija, jevrejska sinagoga, katolička i pravoslavna crkva. Hiljadugodišnja kulturna različitost Bosnu i Hercegovinu čini jednom od najfascinantijskih zemalja u južnoj Evropi. Bosna i Hercegovina obiluje mnoštvom raznovrsnih destinacija za sve vrste turizma počev od zdravstvenog i spa turizma, ekoturizma, ski i planinskog turizma, kulturnog nasljedstva i religijskog turizma, avanturističkog turizma, primorskog turizma, a najinteresantnija i najatraktivnija mjesta su čudesna mješavina kulturnog i prirodnog nasljeđa.

Neke od turističkih atrakcija u Bosni i Hercegovini su:

		<p>Sarajevska Baščaršija Baščaršija je zasigurno jedna od najimpresivnijih i najšarmantnijih trgovinskih centara u zemlji. Baščaršija je mjesto za trgovinu i susrete već od 15. stoljeća jer su se karavane iz Azije, Dubrovnika i zapada ovdje sastajale da razmjenjuju svoju robu.</p>
		<p>Stari most u Mostaru Stari most je možda najsofisticiraniji primjer otomanske kreativnosti i dalmatinskog zidarstva na zapadnom Balkanu. Ovaj predivna kamena struktura ne samo da spaja istočnu i zapadnu stranu smaragdne Neretve, već i simbolizira raskršća istočne i zapadne civilizacije.</p>
		<p>Neum na sunčanom Jadranu Mada je samo majušni dio prelijepog Jadrana, Neum je postao poznato morsko odmaralište. Sa svojom idealnom lokacijom između Splita i Dubrovnika i veoma blizu Mostara i Međugorja, Neum je mjesto za sunce i zabavu sa veoma pristupačnim cijenama.</p>

	<p>Nacionalni Park Sutjeska Poznat u području po velikoj bici u Drugom svjetskom ratu kada su partizani pobijedili ogromnu njemačku vojsku, ovaj park je takođe dom jednoj od posljednjih prašuma - Perućici. Uz bosanski najviši vrh (planina Maglić, 2,386 m), ovo je raj za hikere, šetače i ljubitelje prirode.</p>
	<p>Medjugorje U ranim 1980-im nekoliko tinejdžera je vidjelo ukazanje Djevice Marije. Otada, ovaj uspavani hercegovački kraj se transformirao u jedno od najvećih katoličkih hodočašća u svijetu.</p>
	<p>Tekija (Blagaj) Ova derviška tekija iz 16. vijeka simbolizira harmoničnu egzistenciju čovjeka i prirode. Ova zadivljujuća građevina je podignuta na mjestu najvećeg izvora u Hercegovini koji protiče iz pećine iz dubine od 200 metara u stijeni.</p>
	<p>Jahorina XIV Zimske olimpijske igre su odavno završene, ali su padine još uvijek ostale kao i skijanje olimpijskim stilom.</p>
	<p>Bjelašnica Ova olimpijska planina se takođe ubrzano budi. Ovo je bilo mjesto za muški slalom i najizazovnija je skijaška staza u zemlji. Pored ove staze tu su i one ne toliko posjećene ali zato idealne za cross country, kao i za hiking koji se može upražnjavati preko cijele godine, kao i biciklizam i seoski turizam u tradicionalnim planinskim selima.</p>
	<p>Travnik Poznat po piscu nobelovcu Ivi Andriću, ovaj otomanski gradić još uvijek najbolje predstavlja ono što se jednom nazvalo evropskim Istanbulom. Stara džamija i tvrđava koja krase nebeski krajolik su impresivne koliko i bosanska arhitektura u svojoj punoj originalnosti koja ovom gradu daje poseban šarm. Nedaleko od Travnika</p>

	<p>nalazi se skijaško odmaralište Vlačić – raj za snowboardere i mjesto za uživanje u predivnoj prirodi.</p>
	<p>Vodopadi Kravice Rijeka Trebižat je kreirala predivan zeleni pojas usred kraškog krajolika zapadne Hercegovine. Ovaj zadivljujući vodeni luk širine preko 100 metara se obrušava sa visine od preko 26 metara stvarajući zadivljujući prizor uz veliki huk i rosnu kišu. Kravica je idealno mjesto za piknik ili plivanje i definitivno pruža jedan od najslikovitijih pejzaža u Hercegovini.</p>
	<p>Manastir Tvrdoš Tvrdoš je pravoslavni manastir iz 14. stoljeća koji se nalazi blizu predivnih gradova Trebinja i Dubrovnika. Freske su među najboljima u području i sam manastir je dom za nekoliko ikona iz 5. i 6. stoljeća.</p>
	<p>Kraljeva Sutjeska Lokalno proglašen za posljednje sjedište srednjovjekovnog bosanskog kraljevstva, ovaj stari gradić je bedem stare bosanske historije. Srednjovjekovna tvrđava, franjevački samostan, jedna od najstarijih džamija u zemlji čine jedinstveno i rijetko iskustvo koje se danas teško može naći u Evropi.</p>
	<p>Jajce i Plivsko jezero Jajce je bilo posljedno odbrambeno uporište prije pada u ruke Otomanskom carstvu u 1528. godini. Poznato po masivnom vodopadu koji krasi srce grada, Jajce takođe predstavlja višeslojnost historije ovog područja – sa tragovima Ilira i Rimljana kao i izuzetnih bosanskih i otomanskih građevina. Plivsko jezero nudi takođe veoma kvalitetno mušičarenje, kao i mnoge druge sportove na vodi.</p>
	<p>Tragovima Bosanskog kraljevstva Čajengrad (Visoko), Vranduk (Zenica), Bobovac (Vareš), Kraljeva Sutjeska (Kakanj), Maglaj, Tešanj, Fojnica, Travnik, Prusac, Jajce</p>

--	--	--

Preuzeto sa www.bhtourism.ba